

Visoki predstavnik prisustvovao memorijalnoj službi na Bradini



Visoki predstavnik Valentin Inzko prisustvovao je danas memorijalnoj službi za žrtve masakra 1992. godine na Bradini kod Konjica. Nakon službe, visoki predstavnik je izjavio da su nevine civilne žrtve i memorijalne službe kao što je ova danas na Bradini svima nama velika opomena da ne zaboravimo i da ne dozvolimo da se slični zločini ikada više ponove.

“Nevine žrtve iznad svega zaslužuju pravdu i dostojanstvenu sahranu. Njihove porodice zaslužuju da nađu konačan smiraj za svoje lične tragedije. Ogorčenost i strah u ovoj zemlji se moraju poraziti.

To se jedino može postići poštivanjem svih nevinih žrtava i čineći sve što je u našoj moći da stvorimo bolju budućnost za njihove porodice. Iako je bolno prisjećati se zločina u prilikama kao što je ova, priznanje zločina i žrtava, te zadovoljenje pravde i, prije svega, istine, imaju suštinsko značenje za neometan pogled u budućnost”, izjavio je visoki predstavnik.